

明

史

明史卷一百五十三

列傳四

諸王中

遼簡王植太祖第十五子共武十一年封爵王二十五年改王遼國於廣寧明年之國燕師之起王之國遁焉遂棄而奔於京師成祖即位移其國荊州久之有詔稱其罪盡削其護衛在位四十一年薨子貴烺與貴烺有烏獸行又暴虐嘗杖殺其長史杜述而笞辱荊州知府劉永在位十五年其罪盡發乃廢為庶人貴烺之次弟曰貴燮又其次弟曰貴煥又其次弟曰貴煊簡王末年貴燮與貴煊誣王不軌仁宗知而

廢之故貴烜既廢而貴煥踰次得立是為肅王王待  
故其貴烜之子豪堪虛有詔戒王王在位三十三年  
薨子靖王豪城立王之長子卒請以其妻妾殉憲宗  
曰王不聞先帝末命耶不許在位六年薨子憲王恩  
立松滋鎮國將軍恩鏞等以事怨王共謀賊之朝廷  
為錮恩鏞等高墻而謫其黨於邊王使人陰殺諸當  
戎者八十餘人荆人咸以是咎王也不數日而王之  
長子無疾死王在位五十五年薨子恭王寵浚立恭  
王孝友最為遠之賢王在位二十五年薨子莊王致  
騫立存位十四年薨子憲櫛立憲櫛貪淫狂諄而酷

愛道家之說諸奸黠少年及方士多歸之相與爲不法之事當是之時世宗方以奉道先天下而喜憲栴之能司乙巳因其請賜號清微忠教真人鑄金印賜之憲栴益驕從方士劉洞元等學符呪其法常用人頭一有醉卧道旁者殺而取其頭一城驚視莫敢誰何嘗易道士剝服以出導以所作諸神免迎牌榜牒杖入百姓家強爲建醮邀其厚酬得賄亡筭數要道中好女納之宮中即不從輒生置棺中燒殺之烝於祖姑原陵郡君紉從父之妾愛妓張大兒與生子川兒冒爲請名封儀賓李世榮等欲發其事而見殺又

造炮烙決目燠耳諸淫刑所賊殺不可勝計小人門  
事者至竊用蟒衣玉帶僭稱伯金吾諸名號焉世宗  
故以奉道故愛幸憲梯及世宗之崩不舉哀亦不持服  
也諸不法事蓋什百於貴烺矣隆慶元年巡按御史  
陳 等劾之有詔奪其真人名號及金印又革祿米三  
之一猶不悅於是巡按御史卽光先復上疏數其大  
罪十三侍卽洪朝選等往治之皆不証遂廢爲庶人  
銅之高塙國除

慶靖王櫛太祖第十六子洪武二十四年與寧岷谷  
韓潘安唐鄧伊九王同日封國於寧夏二十六年詔  
以寧夏儲侍未克王宜暫駐慶陽北古常州城盜火  
之乃得之寧夏而王以常地壇典殊念之成祖時請  
願得歲一至韋避暑許之正統初以寧夏總兵官史  
昭數譴之朝請徙國避昭英宗慰以手書而不許在  
位四十八年薨子康王秩燧立在位三十一年薨子  
懷王遼壁立在位九年薨無子弟莊王遼塹立在位  
十一年薨子恭王賓鑾立在位五年薨子台滾立台  
滾既立 年而安化王賓鐸反賓鐸者靖王之曾孫

也狀貌偉然或言其當大貴真鍔良喜自負指揮何  
錦周昂丁廣以巡撫寧夏都御史安惟學苛暴輕折  
辱將士怨之三人者皆受幸於真鍔往來府中甚密遂  
相與爲逆謀當是之時朝政一出於劉瑾少卿周東  
奉命覈屯地至寧夏希瑾指督責嚴急率以五十畝  
爲一頃且按畝科銀賂瑾人情大擾真鍔因其擾也  
乃使錦昂廣率衆因會擊鎮守太監少監搃兵官坐中  
殺之而襲殺惟學及東於公署草檄教朝廷罪授錦  
昂廣大將軍及左右副將軍名號天下既積苦瑾虐  
思亂者衆及真鍔之起遠近洶洶朝廷震駭大發兵

以討之然真鑄實無遠畧惟盡取黃河渡船匿之絕  
渡者爲自守計時寧夏副總兵楊英游擊仇鉞皆屯  
兵在外英所部士卒聞變悉潰英走靈州與守備史鏞  
共處鉞雅著威望真鑄召之即引兵入城見真鑄之  
無遠畧也乃稱疾卧不出英密致書鉞俾而內應而  
鏞又潛奪所匿渡船陳師欲遂渡真鑄懼使錦廣率  
師三千拒之河留昂城守昂就鉞問計鉞斬之因襲  
執真鑄逆黨皆驚潰錦廣亦爲其下所殺真鑄遂死  
其舉軍九十有八日而敗朝廷所發大兵皆未至也  
當真鑄之起諸臣已見殺慶王台宏遂稽首臣於真



錯至是有詔責數之革其護衛薄以示罰王故不道  
既因事見黜不知變怒巡撫都御史張璠及太監李  
昕搃兵官种勛謀殺之事覺坐廢長子萬櫝尚幼以  
鞏昌王寘釗管府事台溶之待萬櫝也甚虐寘釗欲  
并敗其父子而自立陰使人誘萬櫝以傾台溶而寘  
釗內行素汙亂壘林王台溶亦欲敗而代之遂相攻  
擊以至先後事皆發有詔錮寘釗高墻安置台溶西  
安并替台溶而以萬櫝管府事其後萬櫝病卒無子  
乃以其弟萬枋爲世子管府事台溶遇赦得還久之  
卒而萬枋立是爲惠王好學樂善能以禮飭諸宗世

宗重之在位二十四年薨子端王倪瓚立在位十二年薨子憲王仲域立在位一年薨子師鏊未及襲爵而哮拜陷寧夏師鏊尚幼母妃方氏抱而匿之土窖中得免而妃懼汗自縊薨事平有詔建祠以表妃而師鏊立在位 年薨是爲 王子倬灌立崇禎十六年李自成陷寧夏被執

寧獻王權太祖第十七子國於大寧洪武二十六年  
之國王好學能文然有武畧大寧東連遼東南蔽北  
平而外以朵顏福餘泰寧三衛爲藩衛王所統邊兵  
凡八萬皆精銳朵顏等三衛士尤驍勇善戰當是之  
時王以太祖命與燕王棣等諸王圍於塞上者每歲  
率師捕寇燕王善戰王善謀二王相與會塞上尤相  
得甚也建文時猜忌諸王以燕王及王英武擁重  
兵於邊尤惡之有詔召王入朝王不即至遂削王三  
護衛軍而是時燕王已舉事北平朝廷大發兵討之  
燕王患兵少不足用又懼大寧遼東擬其後乃與諸

將謀取大寧以控遼東而悉收其精兵及朵顏等三衛士爲己用即倍道至大寧慟哭見王佯道窮蹙狀丐王爲奏朝廷王信其誠不爲備燕王使人陰結三衛欲與俱南而諸軍士多中土人不能寒方日夜思歸聞此言則大喜與三衛士咸聽命於是燕王辭去王郊餞之燕伏兵執王遂悉以其衆還北平於是燕兵益強無後患用能成功燕王既即位封王南昌復其三護衛軍王怨望曩時事頗驕恣不遜宣德四年朝議定宗室將軍祿米視品級王抗言宗室安得有品時高煦新以反誅朝廷方務裁抑諸王答書折

以祖制詞甚厲未幾王又請灌田不許始懼而自戢  
王故好學能文其在燕軍中時爲燕草檄既懼禍韜  
晦乃益以著書自娛所居宮庭無丹青之飾覆殿鏡  
甃不請琉璃構楹廡一區多蒔花藝竹而著書其中  
書畧至數十種王始能言自稱大明奇士既老號臞  
仙在位五十八年薨世子磐斌前卒孫惠王莫培立  
莫培怨布政使崔恭不從己令誣奏其罪恭亦奏王  
淫虐事按治直恭王坐削三護衛軍其後又與石城  
王莫堵交惡被旨切責未幾又與樂安王莫堃忿爭  
朝廷數王怙過不悛革祿米之半王在位四十三年

堯子康王親鈞立在位六年堯子宸濠立寧自獻王  
建國以來世有過惡至於宸濠凶暴益甚遭時昏亂  
逆睥睨神器稱兵向闕而狂諄無謀卒之自覆其國  
宸濠以弘治十二年襲封越六年而武宗即位宸濠  
當武宗之世始內連劉瑾夤緣得復三護衛軍瑾敗  
見削遂與錢寧臧賢交通而尚書陸完等又左右之  
得復護衛如瑾時且并屯田予之而宸濠所以賂遺  
寧賢及完等者無不至凡所求必遂所惡必去故其  
反謀得成當宸濠之未請復護衛也欲探朝廷意先  
上言請賜音樂院色長冠帶比天子教坊司武宗特

屈群議而從之宸濠僭竊之心從此滋甚既得復護  
衛軍又厚養死士招集盜魁凌十二閩廿四吳十  
三等以致仕都御史李士賓舉人劉養正爲謀主日  
夜相與爲叛逆事而惡中外官之有敗已事者欲盡  
箝其口大學士費宏以建議沮復護衛軍遂至免歸  
既家居又幾爲所戕副使胡世寧以頌言其驕橫得  
罪成遼東御史范輅以不肯具朝服如臣禮見爲中  
傷去于是中外畏其威不敢忤又懼宗人之不已從  
乃上言諸宗多不法請得繫治之有詔善其言諸宗  
人遂爲積威所劫俯首聽其命反謀既成典寶閔順

等諫不聽走京師告變朝廷方倚爲宗室望反爲之  
罪順等宸濠之爲謀益無所忌當此之時錢寧等已  
許立宸濠子爲武宗太子宸濠意猶不愜以武宗方  
日事巡幸乃於南昌作大院陳百戲令李士賓撰詞  
曲誇示其美傳布四方以動上心欲俟車駕至而取  
之則天下可不勞而定而會太監張銳與錢寧有隙  
銳故與宸濠通至是知其爲不軌懼禍及且欲傾錢  
寧乃盡發寧交通宸濠狀武宗心動遂用御史蕭淮  
言遣駙馬崔元等往戒諭之且削其三護衛軍錢寧  
不能庇反歸罪於臧賢而殺之宸濠聞之疑懼知前



計不成遂殺巡撫都御史孫璉副使許逵而舉兵反於南昌妃姜氏泣諫不聽時正德十四年六月丙子也宸濠前後所招死士及群盜至三萬其三護衛軍及脅從者又六七萬合十餘萬人以閔廿四等將之拜士實太師養正國師移檄數朝廷罪且言武宗實異姓子祖宗不血食已十四年遂放兵四出戊寅襲陷南康己卯又陷九江刻期直取南京遠近震動宸濠議僭號改元士實養正請俟克南京而行之乃謀遂東下而聞提督南贛汀漳軍務都御史王守仁等自上流起兵討之疑不敢動己而知其兵尚未集

乃留直舂王拱櫟居守伏兵千人於新舊墳廠以拒  
守仁而身自將大軍聯舟千餘而東七月壬辰朔發  
南昌所過焚掠欲以示威民甚怨之當是時宸濠既  
以守仁故留十餘日不進故安慶以東皆得爲之備  
始宸濠本謀欲經城勿攻直取南京及過安慶爲守  
臣張文錦楊銳所辱怒而留攻之文錦銳城守甚堅  
百計不能克而守仁聞宸濠之東即合列府之兵趨  
南昌問道襲破其伏兵城中克懼辛亥兵傳城下遂  
克之擒拱櫟等寧府宮舂皆自焚死宸濠軍鋒既挫  
于安慶方計無所出及聞南昌已破則大懼遑遽解

圍西歸守禦部兵東進乙卯遇於黃家渡合戰宸濠  
大敗丙辰又大敗于八字腦退保樵舍連舟爲方陣  
丁巳守仁以火攻之衆遽大潰不能復戰宸濠及士  
實養正等皆就擒姜妃投水死宸濠既見執乃思範  
言丐守仁爲收葬之及坐檻車中益思妃以爲紂以  
用婦言亡而已獨反之慟哭數恨不已宸濠狂諄無  
謀又素以貪暴失百姓心諸僞將皆賊徒未嘗知戰士  
實養正以文詞議論盜時名無實用故起兵凡四十  
日而敗武宗方下詔親征而宸濠已就擒遂俘之以  
歸明年伏誅於通州諸與交通者皆得罪宸濠之生

也康王夢蛇入宮中啖宮人且盡旦又聞鵩鳴公惡  
之欲勿舉而不果既長見其有淫行益惡之比薨猶  
不令入訣而宸濠行錢反以孝行受旌其後又諷諸  
生耆老頌己賢孝挾守臣奏之時武宗己入張鉉言  
覽奏驚曰保官得優陞保寧王賢孝欲何爲耶由是  
廷臣言始得入而宸濠亦遂舉其反宸濠既敗宮眷  
死有詔以弋陽王拱橫總統宗室其後又命弋陽樂  
安建安三郡王分統之稍稍得脩禮樂行祀事獻惠  
二王廟下而寧府遂除康王之廟竟廢不祀矣初獻  
王作寧國儀範七十四章皆以忠孝恭儉垂訓子孫

盟之山川社稷之神有弗率者嬰顯慘然獻主敬嘗  
以怨望驕橫不遜聞於時故其傳世至於宸濠六七十  
年之間子孫亦無能守其訓者蓋自宸濠之反石城  
鎮國將軍宸濠獨以禮自持得不與其亂而弋陽端  
惠王拱積文用賢德統諸宗諸宗人亦親見禍亂以  
宸濠前事爲鑒於是其賢者乃始彬彬可紀焉其在  
代陽則拱積之子多斌事嫡母能行孝道從子輔國  
將軍多煌多炫多燦多煥皆好學多藝能而多煌尤孝  
友醇謹其妻熊氏卒義不更娶獨宿齋閨者二十六  
年多炫之突遊滿天下其卒也門人子弟私謚曰清

敏先生多煌之子謀在謀起謀建謀重並善詞藻能  
承父志多煌之子謀煒亦好文學能拔俗石城則宸  
渾之子拱概壽至今亦有四再以年高有德受詔存  
問孫多燿曾孫謀堦仍四世有賢德樂安則端簡王  
拱樞亦辨過人又能以謙和得宗人心鎮國將軍多  
塔輔國將軍多賚亦有聲望端昂則奉國將軍拱枘  
拱樞拱樹皆優於文行其父宸渠坐宸濠事逮繫中  
都拱枘請以身代嘗被旨褒嘉其子多圻亦有孝行  
而拱樞之子多燿拱樹之子多燧一時並號稱博洽  
建安則輔國將軍拱通頗著文雅名蓋當嘉靖隆慶

萬曆之世而獻王之孫最爲多賢其好學有獻王  
遺風於寧儀範亦庶乎無愧云

岷莊王昶太祖第十八子始封時詔國於岷州己酉  
以雲南新附宜使親王往鎮之洪武二十八年王遂  
開府雲南建文初坐罪廢爲庶人流漳州成祖復其  
爵五王性矜倨不能守禮至雲南則與西平侯沐晟  
交惡又擅殺官吏失軍民心幾召變屢訓戒不悟乃  
盡削其三護衛仁宗時移國武岡復欲有所傷害然  
不克逞在位六十三年薨恭王徽燦立莊王五子長  
曰世子徽燾次則徽燦是也初封鎮南王又次曰江  
川王徽媚廣通王徽燂陽宗王徽燾莊王之世世子  
徽燾以誣徽燦爲誹謗得罪廢而徽燾又與徽燦共



作不法徽媚坐視不能止朝廷乃詔莊王悉以府事  
聽徽燥而切責三人者然徽媚本無他大惡而徽燥  
徽媚既被責惡滋甚終以謀反廢錮云恭王在位十  
二年薨子順王音塋立順王有罪削祿米之半在位  
十六年薨世子膺鉞立居喪無禮承奉劉忠驥諫因  
而殺之又悉於父妻詔削冠帶停封而膺鉞之弟充  
城王膺錕居喪亦無禮其後膺錕坐廢錮以死而膺  
鉞用悔悟得免罪襲父位是爲簡王簡王之從弟南  
渭王長子膺鐸殺廢弟膺鈔母而通其妻又欲殺膺  
鈔事覺廢錮簡王在位十三年薨子彥汰立彥汰以

幽因嫡母廢為庶人而其弟南安王彥泥亦坐內亂  
廢錮蓋岷之始祖莊王既不法故其子孫王者亦世  
多過惡久之以恩詔復彥汰王爵是為靖王王立  
年而廢廢十二年而復位復位 年而薨子康王舉  
榮立 在位七年薨子憲王定燿立是時諸宗人亦多  
相與為不法事有詔岷王嚴加約束王在位 年薨  
世子幹跬世孫企鈐立皆前卒世曾孫 王裡洪立  
在位八年暴薨無子從父企鎧立企鎧幹跬弟幹坤  
之子而憲王之孫也崇禎十六年盜陷武岡王見殺

德太祖第十九子與魯獻王椿同母封谷王國於宣  
府洪武二十八年之國燕師起棄國歸京師爲天子  
守金川門燕師初渡江德登城望見燕王麾蓋遽開  
門迎之入燕王即位論功賜樂七奏衛士三百金銀  
槍大劍及鈔幣金銀鞍馬甚厚又歲增祿米三千石  
賞其護衛指揮僉事張興都督僉事儀衛正張成都  
指揮使而移其國長沙德恃功居國中多奪民田侵  
分稅殺無罪人帝念其功優容之尚書茹瑺歸家不  
謁德坐死德益恣橫無所顧忌大作戰船器械攻戰  
其陷匪亡命習兵法戰陣日與都指揮成及宦者吳

智劉信等謀逆號成田師尚父智信曰國老舍公以  
議文書十八子當有天下乃曰吾於兄弟數當十八  
與誠合用傳播惑衆德太祖十九子而以趙王杞瑋  
故云然又選壯士習音樂獻之朝令其從中乘隙爲  
變長史盧廷綱驟諫見殺都督興懼禍及因奏事北  
京見帝白狀過南京又言之太子帝及太子皆隱其  
事不即發德既與蜀王柝同母乃致書爲隱語道柝  
家事且曰時不可失蜀王切責之而未忍發也會蜀  
王崇寧王悅傳得罪亡之德所聽因誑衆曰往年  
我開金川門以出建武皇帝今在我宮中我將伸天

義使之役辟蜀王聞之大懼乃遣人走京師奏之帝  
既習聞興言遂賜書褒蜀王比之周公心存王室而  
召穗至京師穗謀未及成出不意惶遽就徵自引伏  
與其二子皆廢死詔盡誅諸與謀者興既先發其事  
得不坐而崇寧王悅燁亦以蜀王故免

韓憲王松太祖第二十子圖於開原然王竟未害之  
國主恭謹無故過子冲煥冲煥冲煥皆賢而冲煥爲  
最著年立十七年薨世子冲煥立永樂二十二年移  
國平涼乃之圖在位三十一年薨謚爲恭王子懷王  
範紀立存位二年薨子悼王偕統立存位六年薨無  
子弟康王偕涌立康王立之明年當成化十三年而  
襄陵莊穆王冲煥薨冲煥性忠孝生母遶危疾日夜  
叩頭哀籲天而願以身代也已而疾果愈其子嫡母  
亦如之母歿後謁墓輒哀慟比老猶不改以至于歿  
身事兄恭王得弟道甚朝廷凡六賜書褒美平涼遷

北敵初恭王見敵騎充斥嘗發憤上書言邊事英宗  
優詔慰勞而不用也恭王薨後九年而有土木之難  
坤炆尤習邊防利害以敵入河套奮身請率子孫及  
界役軍捕逐之憲宗亦優詔相答而不許也而嗣後  
河套竟淪爲敵境終明之世莫能復云冲炆年七十  
有七乃薨薨後九年而樂安定肅王冲炆薨冲炆年  
踰八十好學不倦一言一動必則古昔賜書褒美再  
焉蓋其名稱亞于襄陵莊穆王而壽考則過之康王  
在位二十六年薨子昭王旭繼立昭王仁孝好學有  
惠于其國在位三十一年薨子定王融繼立定王立

後十七年當嘉靖三十二年而襄陵王融焚等二百六十餘人與定王忿爭相告有詔韓王融燧宜改過字法襄陵王融焚等削奪有差融焚之父曰懿簡王旭棖旭棖之父曰莊和王偕洌偕洌之父曰安穆王微鈐微鈐之父曰恭惠王範址範址之父曰莊穆王冲祿蓋自莊穆始開襄陵以來恭惠孝友壽考有父風嘗以年高德盛孝義彰聞見褒于朝而安穆莊和懿簡世濟厥美不替一門之內雍雍如也至于融焚始多作不義莊穆之風衰焉而是時韓定王融燧亦嗜剝昵小人不能承父昭王之志諸宗人多怨之者



故豫端遂起蓋憲王之子孫於是不肖者頗衆云定  
王在位二十九年薨世子謨煥前卒世孫端玉朗舒  
立王復以仁孝聞在位十九年薨世子璟泓世孫遠  
杞皆前卒世曾孫重睿立崇禎十六年賊屠平涼王  
見害

審簡王模太祖第二十一子永樂六年之潞安就國  
王守禮未嘗有過在位四十一年薨子康王信煒立  
在位二十六年薨子莊王幼燁立莊王有賢聲弟清  
源王幼圻亦賢而莊王諸子靈川王詮銖最賢好文  
學莊王壽八十在位五十八年薨子恭王詮鉅立在  
位十九年薨子勛壯孫循檢皆前卒無嗣而詮銖之  
孫憲主循移立憲王尤好文學上疏乞內府諸書詔  
以五經四書賜之嘗作夜雨詩詞人皆爲歛筆弟德  
平王循梗以文雅與王齊名憲王子賢者三人世子  
誥校鎮康王恬燁安慶王恬爕憲王在位十九年薨

怡煥立是爲宣王王博學工詩才藻秀逸而恬焯恬  
熾又各以孝行見褒穆宗朝恬焯有題膽雲樓陪園  
主謁瑩二詩爲詩人所稱恬熾亦能詩宣王在位二  
十九年薨子定王瑄克立定王能孝且叅與弟瑄坦  
皆能詩是時潘府郡王以詩名者復有沁水王瑄楷  
蓋潘自莊王以來子姓王者多好學能文尤長於詩  
各有集行世而將軍勛連循彬循析恬焯瑄  
瑄析瑄瑄瑄又彬彬先後負聲望故世稱潘國多  
才而定王在位二十一年薨子王敦鏞立存在位二十一年薨

子迴立崇禎十七年潞安陷遇害

安惠王楸太祖第二十二子永樂六年之平涼就國  
在位二十七年薨無子國除其後韓王移國平涼乃  
詔以韓府襄陵王奉安王祀

唐定王桎太祖第二十三子永樂六年之南陽就國  
王敏慧然不自檢束在位二十五年薨子瓊煙賢而  
瓊煙無行然皆得立瓊煙者靖王也在位六年薨無  
子瓊煙代立是爲憲王在位四十八年薨王子代立  
者曰芝址行最賢是爲莊王王弟三城王芝堦蕩陰  
王芝堦亦賢其名蓋亞于王而新城王芝坦承休王  
芝垠皆無行卒自取敗莊王在位十一年薨子成王  
彌錦立王尤賢嘗廣構精廬集學校資給之使肄業  
武宗朝上疏請用賢圖治時車駕數事巡幸王作憂  
國詩八章以諷王愛其弟文城王彌鉗也彌鉗亦賢

性儉素視宗人之以裘馬名姬相誇尚者若將浼然  
又頗有才畧盜起河南北指授府衛官方畧以禦之  
皆有條理南陽民賴以得安彌鉗既愛于成王其子  
字溫又賢而成王老無子遂以字溫爲嗣成王在位  
三十五年薨敬王字溫立王始以賢孝旌其後復以  
宗室大老賜書存問當是時蕩陰王芝境之子彌鉤  
復以賢行趾美于國而承休王芝境之子彌鉞折節  
蓋愆尤著名聲敬王嘗上其行誼于朝有詔褒美敬  
王在位三十六年薨子頃王宙祿立即位三年薨子  
端王碩熹立王惑于嬖人因其世子器盛毒殺之端

王在位 十 年薨世孫聿鍵立自有傳初定王之

子有王于新野者曰悼懷王瓊煒悼懷三傳而輔國

將軍字決出焉字決五歲喪明從師畫掌識文字耳

授書日記千言久之遂博通群籍宦遊士大夫日

門請正又多習國家典故嘉靖時嘗陳便宜數十事

不見報子宙松力舉千斤然嗜書慕古孫碩燠曾孫

器封並博雅工文詞蓋自字決以來四世濟美而碩

燠器封尤以詞名震耀海內家學益弘當世號爲南

陽父子萬曆時吏科給事中張應登疏諸藩堪宗正者

周則安胤勤煥勤此趙則載煒載堆載坑襄則載

裁率楚則英橫故寧府則多燬多証多煙多斫而于  
唐則碩燠也予云



鄧江王棟太祖第二十四子永樂六年之安陸就國  
就國七年薨無子國除王妃郭氏生四女皆幼王薨  
妃痛哭踰月不止曰我寡婦也無子尚誰恃已而對  
鏡寫容而痛哭以授宮人曰謹藏之俟吾諸女長全  
識我容也遂自經薨

伊厲王極太祖第二十五子永樂六年之河而就國  
王縱欲敗度裸男女而使之相逐也又嘗手劍斬人  
血濺王衣王更以其衣爲好詔書屢戒諭不悛在位  
二十四年薨有司請追削其爵塋以庶人帝不許而  
加以惡謚曰厲王王子簡王頤炔立簡王亦多遇惡  
被責讓在位四十年薨子勉堡已前卒孫悼王譔釗  
卒在位十年薨無子弟定王譔鐸立定王好學居喪  
有禮敬禮賢士甚有賢聲在位三十三年薨子莊王  
訐淵立<sub>一</sub>在位十六年薨無子弟敬王訐淳立王賢有  
定主風在位十六年薨子興橫立明制王薨世子必

除喪而後襲封典模未除而請于朝遂得立祖制之  
紊自此始典模既立悉變祖定王父敬王所爲日務  
作奢僭淫虐事初伊之始祖厲王故嘗以罪幾至削  
爵而典模之惡則過之遠甚在位九年竟亡其國典  
模以先王之宮庭小乃更爲做大子之制營作之多  
棲人妻女實其中前後至四百餘人用小人席運金  
印等謀奪民田廬金錢不可勝計即有不快其意所  
欲得必立致禍患或至舉家皆死河南守臣患而奏  
之有詔削王祿米三之二毀宮殿之踰制者歸所棲  
妻女執席運金印等于朝典模不奉詔反傳令其開

河南府城門大索民間女年十二以上者得七百餘人悉納之宮中留其美麗者九十人而令其餘具金以贖朝廷數申前命至奪河南守臣俸以督之典樸終不聽從守臣乃入謁曰王不奉詔部牒督責交錯于道惟王裁之典樸又出謾言以閉衆口守臣知無奈王何于是復上言王矜惡怙終抗拒明詔無藩臣禮有詔告于太廟廢爲庶人錮之高墻而伊府遂除皇子楠太祖最少子也洪武二十六年生踰月薨

懿文太子五男虞懷王雄英惠宗皇帝及允熲允燧

既寧簡王允燾

虞懷王雄英懿文長子洪武二年生生十四年而薨  
追封冊諡

允熲懿文第三子建文元年封吳王與衡王允燧徐  
王允燾同日封成祖敗爲廣澤王居之漳州又敗爲  
庶人幽之鳳陽以薨

允燧懿文第四子初封衡王成祖敗爲懷恩王居之  
建昌又敗爲庶人幽之鳳陽以薨

既寧簡王允燾懿文第五子初封徐王成祖敗爲

數事王隨母呂妃居太子陵已乃改王旣寧留京師  
奉太子祀永樂二年王府火王薨無子國除

惠宗皇帝二男太子史奎及文圭

太子文奎惠宗長子建文元年立其後爲燕人所賊  
文圭惠宗次子燕人之陷京師文圭方二歲見幽于  
中都廣安宮號曰建庶人幽十年而當英宗復辟憐  
其無罪議釋之廷臣有諫者帝不聽竟釋爲庶人給  
薪米僮奴聽嫁姻出入自便當是時命中官牛玉至  
中却入諭庶人庶人出不意伏地頓首謝且喜且悲  
庶人生二歲見齒年及六十乃出道遇牛馬皆不能

名也。竟以年老不能生子。久之卒。惠宗之後遂絕。

成祖皇帝四男徐皇后生仁宗皇帝及高煦趙簡王  
高燧諸妃生皇子高熾

高煦成祖第二子永樂二年封漢王與趙王同日封  
高煦多力善射成祖以其類已愛之靖難師起以高  
煦自隨而留仁宗居守高煦戮力戰有功成祖與盛  
庸戰幾敗高煦率銳卒搏戰甚力更勝之成祖以此  
先愛近高煦而仁宗素失成祖意高煦又數構仁宗  
子成祖成祖既即位儲位未定淇國公丘福駙馬王



寧雅善高煦密爲成祖言二殿下功高宜立成祖心頗以爲然然畏廷臣有異議竟立仁宗爲太子而以雲南爲高煦封地高煦大失望不肯行曰吾何罪竄我荒徼成祖不得已聽暫居南京其後乃命國子青州則又曰吾何罪棄我瘠土留南京不肯行當仁宗之既立爲太子也高煦尚睥睨其位所以傾之者無所不至成祖亦幾爲所惑而至是宣宗以英武爲成祖所奇愛得立爲太孫于是太子之位乃安高煦計無所復施益失望遂有邪謀高煦蓋自幼凶暴其奔太祖之喪舅父徐輝祖嘗切戒之怒而竊輝祖馬不

告于朝竟去在道輒殺吏民又擊涿州驛丞幾死朝  
廷遂將此爲燕罪起兵端及從征伐有功怙寵益驕  
橫既不獲傾動東朝而故嘗孺染成祖起兵事遂以  
銘文父子視仁宗宣宗而心竊自比成祖欲効其所  
爲乘間隙以兵取天下乃于南京私造兵器養死士  
招集亡命漆皮爲船習水戰群下皆知其有異志以  
戚相愛之不敢發高煦又僭用衆輿物支解人而殺  
之江繼軍士攻剽爲奸而怒兵馬指揮徐野驢之有  
所捕治也以鐵爪撻野驢殺之于是其事稍稍上聞  
當是時成祖狩北京促駕還察之盡得其狀益高煦

至是乃始爲成祖所怒有詔褫其冠服繫西華門議  
廢之仁宗伏地頓首力請乃削其二護衛盡誅其左右  
若狎昵而從之樂安即且促之就道成祖知高煦南  
暴不能改異日必反爲國家患時太孫侍顧謂曰樂  
安近北京即聞變朝發可夕擒也高煦既爲成祖所  
怒下遷樂安然望爲逆謀益甚成祖北征晏駕即遣  
人赴北京伺變欲起仁宗知而不治會仁宗大漸召  
宣宗于南京文謀伏兵遮之以宣宗行速故不果及  
宣宗即位竟友高煦故以懿文父子視仁宗宣宗而  
宣宗之卒也嘗虛已曲徇其意索素駝則與之素駝

四才索爲父與之馬百二十疋袍服又與之袍服高  
煦以朝廷畏之益自負欲逆爲成祖所爲故以宣德  
元年八月壬戌朔舉兵反于樂安授其黨王斌朱恒  
等太師都督尚書諸官號遣枚青潛入京師約英國  
公張輔爲內應又遣人約山東都指揮靳榮等期先  
取濟南然後稱兵向闕英國公輔執青告于朝而山  
東布政使按察使亦覺靳榮有變慎防之使不得發  
而疾以其事聞朝廷于是建議討之而先遣中官侯  
恭至樂安觀變賜高煦書曰皇考至親惟叔父予所  
賴亦惟叔父比枚青至言叔父將督過朝廷小人無

狀作言離間故特數陳肝鬲用以問其口泰既行  
高煦亦違百戶陳剛至京師上疏謂仁宗不宜違洪  
武永樂時制擅與文官誥勅封贈又謂帝不當修理  
南廡廊殿指夏原吉等爲奸臣索誅之又以言論文  
武大臣如疏中指帝大怒下詔親征而侯泰至樂安  
高煦盛陳兵見之面面倨坐讀勅召泰前自稱靖難  
時功大言指斥朝廷且令泰通觀營中士馬兵械而  
謂曰爾視此豈不可橫行天下爾歸語朝廷急縛奸  
臣來然後徐議我所欲泰振恐唯唯不敢發一言乃  
解衣歸匿其語不敢奏輔行泰奏之帝益怒遂發

京師而高煦所約山東都指揮榮既受制不得發高  
煦知濟南不可取更議兵所向朱恒力言取南京則  
大事定恒南京人也衆乃譁曰爾得赴爾家奈吾輩  
何高煦外武勇內實恒怯臨事狐疑展轉不能斷始  
謂帝年少新即位衆心未附即遣諸將來可以甘言  
厚餌誘也及是聞帝率六師自至遽惶懼堅守樂安  
城不敢動庚辰帝倍道趨樂安辛未昧爽城下是時  
城中黑氣黯黯如死灰也帝命諸將環而攻之將士  
奮勇四面銃聲如雷城中洵懼多欲執高煦降者高  
煦亦懼無策即遣人詣行懾願假令夕訣妻子明出

歸罪許之壬午高煦果將出城王斌等力止之曰寧一  
戰死無爲人擒高煦畏懼卒不敢戰乃給斌等祿復  
入宮計之而潛從間道出見帝帝遂以高煦及其子  
歸于京師誅其黨王斌等樂安平高煦謀逆十餘年  
及是舉兵凡二十有一日竟不戰而敗帝以高煦歸  
廢爲庶人鎖之逍遙城一日帝往熱視久之高煦出  
不意伸一足勾帝仆地左右急救之帝既免而大怒命  
壯士舁銅甕覆之甕重三百斤高煦多力負甕輒動  
帝命積炭甕上火熾銅甕高煦死高煦世子瞻垣前  
死不預乎禍次子襄所嘗惡高煦之殺其母數爲成

祖言高煦罪仁宗之世又妄言朝廷將發大兵襲樂安高煦以其事聞廢銅鳳陽至是與其弟瞻奎等八人皆死



趙簡王高燧成祖第三子既封趙留居守北京洪熙元年乃之彰德就國王好武事守北京任用非人居六年遇大著成祖北幸知其狀怒而大殺王左右禠王冠服不聽大傅仁宗力救得解王由此畏罪循禮法事仁宗甚謹將之國力辭二護衛仁宗嘉之高煦及其黨誣王與其謀宣宗不聽既執高煦多請即移其取趙者卒不聽已而群臣言趙事不已王聞之大懼遂盡納其護衛宣宗待王有加禮王竟得與他王在位二十八年薨子惠王瞻煬立王在位二十三年薨子悼王初鑑立王在位六年薨子靖王見瀋立惠王悼

王皆頗有過至見潯尤甚多賊殺人又嘗乘醉欲殺其叔父詔奪祿米三之二去冠服戴民巾讀書習禮其後三年王母妃李氏爲請乃得復冠服如故然王卒不能改行愛幼子祐和遂誣長子祐桀以太遂後被詔譙讓在位三十八年薨祐代立是爲莊王王亦有酒色過在位三十六年薨子康王厚煜立王事祖母楊妃以孝聞嗜學傳古文藻弘麗天折節愛賓客戶屢恒滿名譽蔚然在位四十年以自繼堯先是趙肅輔國將軍祐桀等數犯法輿有司爲難王庇祐桀然祐桀卒得罪卒并見責去後有司益務以事裁

抑諸宗人諸宗人亦不能爲之下於是知府彭汝礪  
通判田時雨遂榜繫其後隸王使人求解弗聽王甚  
咄咄不樂已而王自縊王子成卓王載坑上疏謂王  
用前事怨恚自經詔逮時雨送河南 汝礪戍極

邊王二子載培載時載培及其子珣錙皆前卒載坑  
者王次妃張氏出也或曰王素仁柔鮮斷以有所怒  
於張氏母子致然然其事秘外間竟莫能明也康王  
既薨世子載培之孫穆王常清立王以善行見旌於  
朝在位 十 年薨 弟常被立崇禎十七

年彭德簡遇害

皇子高熲成祖第四子瑒

明史卷一百五十四

列傳五

諸王下

仁宗皇帝十男張皇后生宣宗皇帝越靖王瞻墉襄  
獻王瞻埈李賢妃生鄭靖王瞻埈淮靖王瞻埈張順  
妃生荆憲王瞻埈郭貴妃生滕懷王瞻埈梁莊王瞻  
埈衛恭王瞻埈諸妃生圻獻王瞻埈

鄭靖王瞻埈仁宗第二子永樂二十二年冬十月與  
越襄荆淮滕梁衛七王同日封國於鳳翔宣德四年  
之國正統七年移國懷慶在位四十三年薨子簡王  
初鎮立王妃韓氏生子見滋妃無寵見滋惡於王王  
愛妾生子曰見惣齒次見滋王爲世子時朝廷以其  
素妃立妾召至切責之留居諸王館擇翰林院官教  
之改過既歸終不改妃遂以不良死及王即位追仇  
妃不置殊不欲立見滋於是見惣日夜冀望爲嗣而  
朝廷數切責王見滋乃得爲世子而封見惣盟津王  
見惣怨王不遂立己竊世子金冊去王上逼朝議不

得已索冊歸之世子見愬自是益怨王也時時嘗王  
不復肯朝見又多作凶暴事王不能制久之事聞見  
愬由此削爵爲庶人見愬之次弟東垣王見湏嘗以  
微罪削冠帶然未嘗有大過簡王在位二十八年薨  
見湏已前卒其子康王祐杓立在位五十一年薨無  
子見湏之後絕見愬故以罪廢其子祐杓不得襲爵  
於見東垣王見湏之子祐樺立是爲懿王王居喪盡  
禮在位十三年薨子恭王厚烷立見愬之子祐杓求  
復盟津王爵王不敢爲奏祐杓大以此憾王王請書  
好活以世宗不能勤學徒慕三賢求治惟惑溺於道

家邪說而欲以威嚴箝天下之口心久非之欲因事  
諷諫會陶仲文作醮天壇祐禧即遣人獻香以自昵  
於上王益以爲非乃上疏請修德講學并進居敬窮  
理克己存誠四箴復演連珠十首以失賢簡禮怠政  
拒諫神仙土木爲規當是時周府鎮國中尉勤懃方  
以上疏言事得罪其疏曰陛下躬上聖之資承列祖  
之後宜以古帝王爲法乃厭棄萬幾溺意長生以齋  
醮爲訏謨以興作爲急務獨不思秦皇漢武梁武宋  
徽所就竟何如耶數年以來朝儀久缺委任匪人遂  
至賄賂公行刑罰倒置奔競成風公私殫竭脫有意



外之變臣將不知所稅駕矣通者天心仁愛災異迭見而朝廷不聞罪己之詔大臣不聞引咎之章慶瑞貢符紛然不已殆非所以承天變也伏望念祖宗創業之難敬謹示戒復朝儀杜邪枉屏道家之說開忠諫之路則天意必回人心用勸而上可與克齊齊名等壽非不知言出禍隨誠願得從劉向趙汝愚同進地亦不恨世宗怒其謗訕廢爲庶人錮之高牆而王疏又至詞語亦甚切直世宗於是大怒下使者於獄請梟批其疏曰爾探知宗室有謗訕者輒敢劾尤彼勤熨一無賴子耳爾真今之西伯也所欲爲者任爾

爲之世宗既用是怒王而王前此嘗上疏表忘稱臣  
於是并追銜其事然未有以發而祐楷因帝之怒遂  
告王反狀然竟用前事誣王騷淫欺謾不臣無親亦  
廢爲庶人錮之高牆而暴其罪於諸王府於是禮部  
擇入晉王府事帝以王世子載堉罪人子不用用嘗  
獻瑞鞍者廬江王祐楷嘉靖二十九年也王及勳熨  
錮於高牆凡十八年而穆宗改元乃釋王復其爵歲  
加祿米一百石并歸勳熨命有司存卹之勳熨與王  
俱以建言得罪然王忠誠出於自然非有所爲而勳  
熨故嘗以事奪祿資身無策論者頗謂其用是釣奇

云故王既得出而獨以賢名聞於天下惟天子亦重  
焉神宗名王書院曰景賢又稱王忠孝兼全善行昭  
著遣使褒嘉王性儉約自少至老布衣蔬食而已凡  
位二十四年而廢廢十八年而復王復王二十五年  
而薨世子載堉不肯襲爵以讓於見愔之曾孫載璽  
先是見愔既以罪廢子孫皆爲庶人故懿王踰次得  
立恭王得罪後世宗復見愔爵賜謚於是載堉以爲  
簡王支子盟津爲長見愔爵既復則其曾孫載璽當  
坐鄭祀固請於朝七疏乃許之有詔載堉仍稱世子  
其子翊錫稱世孫各食郡王祿以終其身而載璽遂

立爲鄭王載堉當恭王蒙難時痛念其父築土室宮  
門外席藁獨處王出乃復於寢至是年已七十復以  
讓國著節廷議高之比於泰伯伯夸季札子臧爲之  
樹坊表宅賜勅褒異曰所以愧天下宗藩及縉紳士  
庶之隱忍貪昧爭利無耻者也載堉學甚博明曆知  
樂嘗獻所著萬年曆於朝朝廷雖降詔嘉其篤學然  
不能知其法之精也其於樂所得尤深有樂書行於  
世其卒也謚曰端清世子載堊立爲鄭王 年而  
薨子翊鍾立崇禎十三年以

賜死國除

越靖王瞻墉仁宗第三子既封未之國正統四年薨  
無子國除

新獻王瞻垠仁宗第四子永樂時薨無子仁宗即位  
追封

襄獻王膽堪仁宗第五子宣德四年之長沙就國正  
統初移國襄陽英宗北狩王上疏慰皇太后請令太  
子攝位急發府庫募死士以圖迎復疏至景帝已即  
位遂匿不以聞景泰中文奏疏太后問英宗起居及  
勸景帝朝南宮景帝不能從亦不使太后知也英宗  
復辟小人方誣少保于謙等謀立襄王謙等既獲重  
罪會帝得王疏宮中覽之感動坦然不以疑王因王  
請入朝遂遣太監夏時齎敕符迎之賜書嘉歎比前  
疏于金勝王遂來朝蓋親王之不得朝京師自宣德  
以來至是已三十餘年矣帝與王相見甚醴延王內

殿行家人禮又令百官朝王於王館敦宴王因訪王  
時政王避席曰臣遇汴汴父老遮道訴按察使王概  
以賢被誣下獄惟陛下加察帝立命法司雪概王辭  
還國帝送至午門王伏地不起帝問叔父欲何言王  
頓首曰萬方望治如渴願陛下省刑薄斂以答其望  
帝拱手曰謹受教天順四年再入朝帝製峴山漢水  
賦襄陽四時歌賜之又益王護衛又勅王每歲秋冬  
之間得三五出城游覽以怡王性情王既爲朝廷所  
重益小心敬畏守禮法遠嫌疑故自英宗及乎憲宗  
始終恩禮不替王年七十有三在位五十年乃薨子

定王初鋪立定王長子曰見淑次子曰見涉定王在位十年薨簡王見淑立簡王長子曰祐材次子曰祐攢簡王在位二年薨懷王祐材立任位十四年薨無子弟康王祐攢立任位 年薨亦無子弟簡王之後絕而見涉之孫莊王厚頰立初懷王之世宮中大火先世儲時爲之一空襄府遂貧及莊王之立而折節爲儉能惡衣食恐嗜欲以致其畜藏久之富比其舊數推羨餘獻之朝廷餉邊助工世宗嘉焉王事母孝又有惠於裏人在位十五年薨子靖王載堯立任位 年薨子 王翊銘立崇禎十四年張獻忠襲陷襄



陽王遇害宮眷死者四十三人福清王常澄進賢王  
常淦突圍得出詔遂以常澄嗣襄王寄居九江府後  
不知所終

荆憲王瞻嫺仁宗第六子宣德四年之建昌就國正  
統十年徙蘄州景泰初上書請朝上皇不許在位三  
十年薨子靖王初鎬立王妃魏氏生見瀟又生見溥  
後宮生見瀟王在位七年薨見瀟立見瀟素怨魏妃  
之偏愛見溥也既即位而幽妃妃以憂薨遂笞殺見  
溥強姦其妃何氏留之宮中不遣歸悅從弟都昌王  
見瀾之妃茹氏求通焉見瀾之母馬妃不可則髡而  
榜之遂薨土壓殺見瀾而械繫茹氏入宮與亂又閉  
所怒鎮國將軍見漢見流於空舍餓殺之嘗率惡少  
年輕騎掠婦女於漢濱居者多被其擾久之遂造弓

芳與其子祐柄謀不執見澡懼禍及已密以其淫虐聞有詔廢錮西內居兩年見滿從西內奏見澡過於是見澡更發其不執事乃賜見滿死替祐柄而以見薄之子祐柄主荆祀是爲和王王子厚烜厚焜厚熿王在位十年薨端王厚烜立端王賢嘉靖中以病辭位不許而以其弟富順王厚焜攝府事厚焜尤賢和王之歿年尚幼頗失學比長耻之發憤力學至忘食寢痛念幼而喪父嘗讀劉向說苑至子欲養而親不遂輒三復淚下既攝府事久之端王子載堉長即謝其事去當世稱之厚熿亦好學有詩名端王在位四

十六年薨載堦前卒其子莊王珣鉅立荆自靖王諸  
子交惡失金鑾及端王兄弟感先世家難深自奮勵  
以禮讓訓飭諸宗人宗人多能自愛而見澤曾孫載  
堦尤以文行稱明制郡王女封縣主歲食祿六百石  
載堦方自以歲糜國廩無所補求自効不得請有四  
女乃皆以妻士人不爲請封曰柰何復全女子耗食  
乎載堦貧而好客投人刺必書名與諸縉紳交其賓  
主禮前後藩王所未有也好讀易頗能窮其理莊王  
以載堦賢重之每舉以訓諸子然諸子未能率也世  
子常冷尤殘恣王言於朝廢爲庶人王在位十六年

堯子敬王常注立一年堯無子弟王尚盜立任位

年堯子定王申樊立任位年堯子慈襄立

在位年堯堯後一月而蘄州爲張獻忠所襲陷

世子微服遁荆祀遂絕

淮靖王瞻埴仁宗第七子宣德四年之韶州就國正  
統初移國饒州與寧府爲隣王在位二十三年薨子  
康王初銓立王世子曰見濂其次弟曰靖江王見澱  
王在位五十五年薨見濂前卒又無子見澱子祐榮  
立是爲定王王與饒州推官汪文盛有隙文盛怨家  
顧嵩故病風持刀直入王府謾言汪推官使我來殺  
王左長史莊典執嵩以聞先是南昌鎮守太監黎安  
至饒從者騎而至王府端禮門被撻安以爲辱怨王  
饒州瀕河地衛既與寧府爲隣是時寧王宸濂潛蓄  
異謀志相吞噬而王先世有名琴曰天風環珮宸濂

絕欲得之怒王不與重以事欲敗王於是族安爲奏  
告王遇而會莊典以顧嵩事聞遂并劾典誣罔圖陷  
文盛不俟報遽逮典考掠相與龍之獄中王乃奏安  
挾仇殺典以脫文盛而畏宸濠之威奏中不敢及朝  
廷竟右安以文盛爲嵩所誣無罪責王偏聽罪其軍  
校二十八人而典寃竟不得白是役也王幾失爵國  
坐是寘正德十年也王在位二十二年薨無子弟莊  
王祐楨立有位十三年薨子憲王厚燾立有位二十  
五年薨子恭王載堦立有位二十一年薨子翊鉅前  
卒弟王載堅立有位 年薨子翊鉅立初定王

祐榮以世子見濂弟子襲其祖康王爵詔追封見濂  
爲安王而冊詞稱安王爲祐榮伯父於是祐榮有事  
於廟祝詞稱安王伯本生父靖江王見澱王父而靖  
江王妃趙氏遂稱國母進居永壽宮安王妃王氏顧  
仍居世子宫祐榮復上疏稱己生在安王卒後未嘗  
爲嗣請得追封所生親王江西守臣請如王奏令靖  
江王加封入廟與安王同爲三世之穆禮部尚書劉  
春議曰祐榮雖生安王歿後既入主淮祀則是安王  
嗣子矣今乃欲追封本生之父徒顧戀私恩而不知  
爲父後之爲重不亦戾乎况安王既爲三世之穆靖



江如又進封一代二穆豈禮也哉自今祝詞宜正所  
賤之稱其靖江王祀事以別子主之淮王不得預焉  
永壽宜全安王妃居之而靖江王妃仍退居本府斯  
典禮法令皆得矣帝以其援據甚明從之及嘉靖之  
世竟追封靖江王爲淮端王云

滕懷王瞻埴仁宗第八子國於雲南未行而薨無子  
國除

梁莊王瞻埴仁宗第九子宣德四年之安陸就國即  
故鄆王邸開府王頗好學襄獻王自長沙徙襄陽道  
安陸王出迎明日獻王入城相見甚歡又明日辭去  
王泣曰嗟乎吾兄弟不得更復相見奈何正統六年  
薨無子國除其後睿宗封安陸得鄆梁邸田爲二王  
供祀事云

衛恭王瞻埴仁宗第十子王好學以賢聞國於懷慶  
未行而薨無子國除

英宗皇帝九男周 生憲宗皇帝崇簡王見澤萬

宸妃生榮王見清德莊王見滿吉簡王見浚忻穆王

見治王惠妃生許悼王見淳高淑妃生秀懷王見澍

韋德妃生徽莊王見沛

榮王見清英宗第二子許悼王見淳英宗第三子景

泰三年既廢皇太子見深爲沂王遂封沂王弟見清

爲榮王見淳爲許王榮王許王未幾相繼歿榮王無

謚許王雖得謚然喪葬禮亦從殺

德莊王見清英宗第四子天順元年與秀崇吉三王

同日封成化三年之國濟南在位六十一年薨子懿

王祐據立。在位十九年。薨。世子厚燬前卒。其子恭王載墜立。在位三十四年。薨。子定王翊鉉立。在位十二年。薨。子端王常潛立。

秀懷王見澍。英宗第五子。成化六年之國汝寧。在道濡滯。民以爲擾。左長史言其故。王即疾行抵國。宦監言王居隘。請移先師廟以廣之。王不聽。常聽左右長史說書。兩人各自是其說。忿爭不已。王徐曰。先皇帝簡二先生輔余經義。即未有定論。何嫌往復。乃爾動色爭耶。兩長史皆頓首謝。王之國二年而薨。無子。國除。

崇簡王見澤英宗第六子成化十年之國汝寧王周  
太后少子太后愛之弘治二年王思太后援襄王故  
事請來朝不許七年太后有疾王請入朝起居又不  
許八年太后以春秋高欲一見王帝勅召王大學士  
徐濟尚書倪岳等以爲費財擾民交章力爭且言親  
王來朝雖有故事然自宣德以來已鮮舉行英宗復  
辟襄王奉詔朝京師雖篤敦叙之恩寔塞嫌疑之隙  
興今事體不同宜勿召王便帝重違太后意而言者  
不已乃請於太后竟止不召王在位四十九年薨子  
靖王祐棹立任位四年薨子恭王厚燿立簡靖恭三

王並以賢名而恭王尤孝友爲世所重恭王在位二  
十四年薨子莊王載境立在位十九年薨子  
王翊  
立 立在位二十 年薨子昭王常澤立在位 年  
薨子由櫛立崇禎十五年李自成陷汝寧脅降王欲  
以爲襄陽伯令諭降州縣之未下者王不屈死之弟  
河陽王由材世子慈煥次子慈炤皆遇害

吉簡王見浚英宗第七子成化十三年之國長沙王  
屢有所求乞正德初朝廷嘗教王府官不能輔導罪  
然王卒不改所求亦多見允在位七十一年薨世子  
祐扶前卒其子定王厚燭立在位十一年薨子端王  
載均立在位二十二年薨子莊王翊鎮立在位八年  
薨亡子庶兄定王翊鸞立王以忠孝受旌於朝在位  
四十七年薨世子常淳立前卒其子王由棟立在  
位十六年薨子慈立崇禎十六年避賊亡之永州  
不知所終

忻穆王見治英宗第八子成化二年與徽王同日封

未之國苑無子國除



徽莊王見沛英宗第九子成化十七年之國鈞州在  
位四十年薨子簡王祐檮立任位十八年薨子恭王  
厚燾立任位二十五年薨子載堉立初恭王以修道  
自昵於世宗又饒美女獻陶仲文仲文數譽王奉道  
駕幸土敬得賜號太清輔立宣化忠道真人受金印  
王怙恩無忌恣作威福大爲撫按官所患幾見傾覆  
幸得免及載堉立而惡滋甚五年遂敗載堉悅方士  
輟高輔因仲文進之冀承寵渥比恭王世宗果大喜  
稱其忠敬載堉計既得遂大肆於其國多壞民廬墓  
毀廣興宮室制度皆擬於天子庫官王章諫杖殺之

奪民耿安等女婦不可勝計小忤意輒死微服之  
南京走揚州買妾以歸至鳳陽見執三日走免自知  
所爲不道恐獲罪乃密置驛伺朝廷動靜而世宗之  
愛幸高輔幾與仲文埒高輔益欲爭寵而借載埒罪  
以傾仲文言仲文受其金甚夥帝由是惡載埒仲文  
畏避不能庇也然帝猶未有以發而會載埒又賊殺  
所奪耿安女安上變告王奢僭淫虐且言王竊出窺  
南京形勝五日一探上起居幸天下有變而欲爲不  
執事下撫按官劾問當恭王之時撫按官有論其罪  
者輒被重譴恭王以故益橫及是撫按官旣患苦載

瑜又共追疾恭王前事遂覆奏安言具有狀帝怒下  
詔暴其罪惡廢爲庶人幽之高牆除徽世封沒入其  
資產當是時有司督衆圍王宮防守甚嚴載瑜未知  
朝廷處分疑不得生惶惑自殺妻妾皆死者五十  
餘人徽府遂絕嘉靖三十五年也

景皇帝一男懷獻世子見濟抗妃出也

懷獻世子見濟始為郕王世子英宗北狩皇太后命  
寧憲宗為皇太子而以景帝輔政已而景帝即位憲  
宗居東宮如故帝數欲以見濟代太子而難於發言  
皇后汪氏又力以為不可遲回久之太監王誠舒良  
為帝謀先賜諸大臣於是內閣陳循高穀又賜金百  
兩侍郎江淵王一寧蕭鎡學士高輅半賜之然亦尚  
未敢發廣西潯州指揮黃珖者思明土知府瑯庶兄  
也珖欲奪瑯位陰使其子賊殺瑯父子盡滅其家而  
賜為發喪捕賊其事旋覺下撫鎮窮治珖大懼伺朝

廷有易儲意乃遣千戶袁洪走京師上疏曰太祖皇帝百戰艱難取天下期傳之萬世往年上皇輕身禦賊文武將吏十喪八九駕陷北庭寇至都門幾喪社稷不有陛下臣民何歸今陛下承太祖列聖眷命正位已踰二年而皇儲未建臣惟人心易搖多言難定爭奪一萌禍亂不息陛下即欲固循遜讓之美恐事機叵測反覆靡常語曰天與不取反受其咎近日仰觀天象土星逆行入太微垣與諸災變皆可畏愕願果審定大計以一中外之心絕觀覲之望景帝得疏則大喜曰萬里外有此忠臣亟下廷臣會議且全釋

疏罪陞都督時景泰三年四月也疏入之明日禮部  
尚書胡瑔侍郎薛瑄鄒幹集文武群臣廷議衆相顧  
莫敢發言惟都給事中李侃林聰及御史朱英以爲  
不可尚書王直亦有難色太監興安厲聲曰事不容  
已即不欲者勿署名無得首鼠持兩端群臣皆唯唯  
不敢違陳循又先嘗受賜欲事之速成乃濡筆強直  
署議於是濛等暨魏國公徐承宗寧陽侯陳懋安遠  
侯柳溥武清侯石亨成安侯郭晟定西侯蔣琬駙馬  
都尉薛桓襄城伯李瑾武進伯朱瑛平鄉伯陳輔安  
鄉伯張寧都督孫鏗張軾劉琛張通郭英劉鑑張儀

錦衣衛指揮同知畢旺曹敬指揮僉事林福尚書王  
直陳循高穀何文淵金濂于謙俞士悅左都御史王  
文王翔揚善侍郎王淵俞山項文曜劉中敷沈翼蕭  
鉉王一寧李賢周瑄趙榮張敏通政使李錫通政樂  
憚王復叅議馮貫卿蕭維禎許彬蔣守約齊整李賓  
少卿張固習嘉言李宗周尉能陳誠王仕儁張翔齊  
政肯丞李希李茂安柴望鄭鏞楊詢王溢翰林學士  
尚輅六科都給事中李讚李侃李春蘇霖聰張文質  
許三道御史王震朱英徐讓丁泰亨強宏劉琚陸厚  
原傑嚴振沈義楊瑄王驥左鼎合疏上言父有天下

必傳於子陛下膺天明命中興邦家統緒之傳必歸  
聖子黃珌奏是制曰可命禮部具儀擇日以聞即日  
簡置東宮官命凡兼東宮公孤者皆去二俸又以李  
侃林聰先有異議擢之以慰悅其意遂廢皇太子爲  
沂王而以見濟代之廢皇后汪氏而以見濟母杭氏  
代之五月下詔曰天祐下民作之君實遺安於四海  
豈有天下傳之子斯本固於萬年其大赦天下太子  
既立之明日帝命以東宮令旨大賚文武官監生下  
及軍校吏胥僧道耆民已又以立太子故賞諸親王  
公主又賞邊鎮内外文武群臣又加賞陳循高穀江



淵王。一寧蕭鑑高輅各金五十兩明年二月皇太子  
冠命胡濙持節掌冠高輅贊冠蕭鑑宣戒勅十一月  
以御史張鵬言簡東宮師傅講讀官帝命胡濙王直  
陳循高輅王文儀銘江淵蕭鑑俞山俞綱高輅日更  
番侍班彭時日講書李侃李齡錢溥劉吉日尚侍讀  
書王謙趙昂更日侍書越四日太子薨賜謚葬西山  
天順元年降稱懷獻世子諸建議易儲者皆得罪黃  
玠已前死捕其子抵罪

憲宗皇帝十三男萬貴妃生皇子某栢賢妃生悼恭  
太子祐極紀注孝宗皇帝邵宸妃生興獻王祐  
岐惠王祐楡雍靖王祐種張德妃生益端王祐檣  
衡恭王祐輝汝安王祐棹姚安妃生壽定王祐椿楊  
恭妃生涇簡王祐楨申懿王祐楷潘端妃生榮莊王  
祐樞興獻王後加尊號見世宗本紀

皇子某以成化二年生未期而薨

悼恭太子祐種憲宗第二子成化七年立爲皇太子  
未幾薨

岐惠王祐楡憲宗第五子成化二十三年與興益衡

雍四王同日封弘治八年之國德安在位十五年薨  
無子國除

益端王祐檟憲宗第六子國於建昌即荊邸爲王府  
弘治八年之國王奸書史工措策愛民重士無所侵  
擾奸人班明誣王與張鶴齡有異謀王素無失德事  
得白在位十八年薨子莊王厚譔立王博敏好學雖  
宦寺女御亦誨以詩書在位十八年薨亡子弟恭王  
厚炫立初端王性儉約巾服齊紈至再日一素食無  
兼饌莊王亦不喜華靡非大宴饗不作音樂臣下有  
僭侈踰制者必痛繩之曰奢惡之太汝寧弗聞而欺

之自開乎至於恭王自奉有父兄風比三王以儉德  
先其國帑藏有餘常辭祿米以佐朝廷之用恭王在  
位二十五年薨長子載增前卒載增子宣王翊釗立  
王好客斥先世所蓄以廣招名士汲汲惟恐不及王  
聲譽大起國亦用是貧矣然王好客彌甚財耗無以  
供賓客燕饋至稱貸以足之王在位 年薨子敬  
王常遷立 在位 年薨子由木立國亡竄閩中  
衡恭王祐揮憲宗第七子弘治十三年之國青州在  
位五十二年薨子莊王厚燾立常辭祿二千石以勝  
宗室之乏宗人德之王大以賢稱是時諸宗人高唐

王厚燠齊東王厚炳新樂王載璽亦皆有賢名王在位三十二年薨子康王載珪立任位四年薨亡子弟安王載封立任位五十年薨子定王翊鏞立任位四年薨子憲王常漁立崇禎十七年間京師陷出亡遁薨

雍靖王祐標憲宗第八子弘治十三年之國衛州在位年薨無子國除

壽定王祐楷憲宗第九子弘治四年同皇弟興汝涇榮申四王同日封十一年之國德安在位五十五年薨無子國除

汝安王祐禔憲宗第十子弘治十四年之國衛輝世  
宗南巡王途迓甚恭帝嘉之加歲祿賜金幣在位五  
十一耳薨無子國除

涇簡王祐楬憲宗第十一子弘治十五年之國沂州  
在位四十七年薨無子國除

榮莊王祐樞憲宗第十二子既封後久留京師劉瑾  
惡之乃之常德就國在位四十九年薨世子厚燭前  
卒其子恭王載堉立在此位 年薨子定王翊鈐

卒在位十五年薨子端王常瀛立在此位 年薨

子隱王由棖立在此位 年薨子慈照立張獻忠

入河南王奉太后妃姚氏出亡

申懿王祐楷憲宗第十三子未之國薨無子國除

孝宗皇帝二男武宗皇帝及蔚悼王厚煒皆張皇后  
出也

蔚悼王厚煒孝宗第二子生三歲薨

興宗皇帝八男閭賁妃生哀冲太子載基王貴妃生  
莊敬太子載戲杜恭妃生穆宗皇帝盧靖妃生景恭  
王載圳江肅妃生頽殤王載望趙懿妃生咸懷王載  
璽陳璉妃生薊哀王載壘趙榮妃生均恩王載堅  
哀冲太子載基世宗長子生二月薨追贈

莊敬太子載戲世宗第二子嘉靖十八年帝將南巡  
乃立爲皇太子命之監國時年甫四歲也又十年而



堯

景恭王載圳世宗第四子嘉靖十八年與兄裕生同日封裕王者穆宗也莊敬太子堯群臣言裕王次當立帝以前兩太子皆不永遜之已又信方士語於是二王皆不得見帝載圳既與裕王並居邸居處衣服無別其左右遂妄有窺覲語漸聞其後帝春秋高益惡聞立儲君語而故中允郭希顏失職家居欲以危言動主聽偉大功乃上䟽請之帝大怒誣希顏懷逆即家斬之傳首天下然自此亦全景王之國德安夜半責從中出天下乃知帝初無立少意也景王之國

四年而薨在位凡二十七年無子國除

頽殤王載堉世宗第五子生二日而薨

威懷王載壑世宗第六子

薊哀王載壘世宗第七子

均思王載堊世宗第八子三王皆踰歲而薨

神孫皇帝生男生女皆注光宗皇帝鄭貴妃生福恭  
王常洵沆懷王常治周端妃生瑞王常浩李貴妃生  
懿王常瀾桂恭王常瀛諸妃生邵哀王常淑  
鄭襄王常淑神宗第二子生一歲而薨

福恭王常洵神宗第三子萬曆二十九年與瑞惠桂  
王同日封四十二年之國洛陽初王母鄭貴妃固  
嬖帝與王帝上畏太后下逼群臣不得已乃立光宗  
而封王於福又不得已乃令王之國當是時天下以  
王故痛心疾首爭論者三十餘年而王昏庸所好惟  
婦女醇酒若罔聞知也先是帝所遣礦使稅使數十

人日有奉月有進所得珍寶不可勝計號爲人主私財及福王之國斥其十之九遣之所賜莊田至四萬頃又所請襍稅地東至南畿西至四川使者乘傳來徃收利所至爲之騷然民間籍籍謂帝耗天下以給王而洛陽王邸富於大內云崇禎時陝西盜起河南大旱蝗人相食四方兵過洛陽者多訾道中言王府金錢山積而今吾輩枵腹死賊乎南京兵部尚書呂維祺在城中聞之懼以利害動王王亦惜然不爲意也十四年賊攻城城守兵呼賊相笑語遂開門迎之入執王殺之盡取其財而歛王以桐棺一寸焉王子

德昌王由松等皆避禍不知所在其後鳳陽總督馬士英得持福王印者於淮安遂號爲由松排衆議而立之云

沅懷王常治神宗第四子生一歲而薨

瑞王常浩神宗第五子天啟七年之國漢中崇禎末避寇奔於重慶已而張獻忠陷重慶王遇害

惠王常潤神宗第六子天啟七年之國荊州崇禎末避寇奔於湖南又入於廣西不知所終

桂恭王常瀛神宗第七子天啟七年之國衡州王與瑞惠二王皆無寵瑞王年二十有五王及惠王年二

計皆不爲之選臣所封地又皆荒瘠而桂府地近廣  
西尤爲僻遠馮崇禎末避張獻忠之亂自衡州奔於  
永州又奔於梧州居焉南都之覆尚書陳于壯以王  
神宗子宜立會唐生已建號福建乃止王以憂悸致  
疾薨第三子由授代立不一月亦薨無子弟由根當  
立會爲諸臣所推遂建號肇慶

光宗皇帝五男  
生齊思王由楫  
李選侍生懷  
速王由模

賴懷王由樺  
生四歲薨

齊思王由楫  
生八歲薨

懷惠王由模  
生五歲薨

熹宗皇帝三男

懷神太子慈然

悼懷太子慈精

獻懷太子慈冥

愍皇帝五男周皇后生太子慈娘餘不知其母氏  
太子慈娘愍帝長子崇禎年立京師之陷與永定  
無王皆不知所在或曰南都諸臣號爲王之明者寔  
太子也

定王慈炯

永王慈炤

悼靈王慈煥生五歲薨

論曰文正父子驕恣不法母乃已甚國家以義裁之  
不爲過也然太祖之庭訓綦嚴矣而諸子若秦愍魯  
荒伊厲周定齊構潭梓之屬並以惡終不齒於世乃



至晉濟熿楚英耀遼憲拂岷膺鉅者流狂詩惱淫殆  
難以人理論矣豈其習與性成終有莫可移易者耶  
迨後諸宗賢者不乏並皆格於成例一無以自展即  
才如睦擇當時以文行著稱爲何如亦祇鬱鬱如老  
經生窮年佔俸自號西亭先生而已何況所謂南陽  
父子之寥寥乎噫